



龜峯集

詩賦

^ 16  
2371  
1





和  
2371  
卷一

龜峯先生集目錄



卷之一

賦

詩上

卷之二

詩下

卷之三

雜著

卷之四

玄繩篇上

龜峯集



卷之五

玄繩篇下

卷之六

禮問答

卷之七

家禮註說上

卷之八

家禮註說中

卷之九

家禮註說下

卷之十

附錄

卷之十一

雲谷集



龜峯先生集目錄



龜峯先生集卷之一

賦詩上

影賦

幽人獨居而觀物嗒然憑几者幾年思入風雲之外  
 道通天地之先日杲杲而自東四無雲而青天若有  
 物兮何物憑有形而呈形於樹扶疎於山崢嶸學妍  
 而妍模媮而媮動又動而靜又靜速則速兮遲則遲  
 不然自然無為有為鬼耶非鬼神耶非神羌下庭而  
 散策乃自試之以吾身形枯槁兮瘦鶴髮蕭疎兮飛  
 蓬不我先而我後隨乃西而乃東進退進退徘徊徘



御書集 卷之一  
一  
徇疾走欲逃轉爲人哈彼如我而非我我如彼而非  
彼荒斯是非况難分矣信默不言學顏子者耶虛無  
寡慾慕老氏者耶效他變化過勿憚改者耶時晦隱  
迹韞櫝有待者耶其形闇然歲文章者耶其行無轍  
得翱翔者耶與謫仙而成三幾叅花下之詠詩散東  
坡而爲百相供水中之娛嬉青鸞匣裏效畫文君之  
眉者耶若耶溪傍倩粧採蓮之兒者耶花甄戒李程  
之晚漢池涵武皇之娥隙過白駒空發宋祖之嗟寸  
重尺璧曾垂大禹之勸芥山河於明月謾成好事之  
恨倒金柱於落月嘗助騷人之句皆爾幻之使然固

端倪之難喻噫天地之有象亦斯理之一影從虛無  
不昧之境因有物有爲而逞旣於影而又影豈斯影  
之能窮君不見魍魎之問影孰爲雌兮孰爲雄俄崑  
崙之鳥匿忽萬形之爭収世間萬事無不然唯見秋  
林晚颼颼

樂天 四言一首

惟天至仁天本無私順天者安逆天者危痾瘵福祿  
莫非天理憂是小人樂是君子君子有樂不愧屋漏  
修身以俟不貳不夭我無加損天豈厚薄存誠樂天  
俯仰無忤



雨後登山 以下五言古詩二十八首

天近日月明騰身積霧中連峯碧無盡幽壑淡不窮  
林虛籟歸寂水定洲涵空朗吟倚層壁長袖拂彩虹  
曠望極人目地遠來清風天門勢漸逼九扇何處通  
回看舊時伴鸞鳩藏蒿蓬

挽金敬叔惕庵

子生不古時子生又東國貧病無子比獨抱君子德  
曲肱樂有餘蒲庭春草生我病不出門耿耿空聞聲  
城西薄暮雨此生唯一面論學更無人霑襟淚如霰  
丁寧百年期不忍看夜月我亦豈久世卽今生白髮

和人

鳥啼人尚眠曉雨涼生席柴戶靜無過滿案青山色  
城南故人使聊以慰寂寞披篔簹許相問預拂溪邊石

晚題

山家值晚晴池面息纖纒天容落其中一色同下上  
池雖上含天天遠九萬里終然天隔地生風池不止  
風定豈無時定時天可逢池既不改清天亦不改容

別人

人生豈無別此別令我悲白髮去畱心相見何年時  
金多醜作妍天外愁蛾眉惡節邁流水貞心無遷移



棄捐玉何言卞氏空淚垂

次謫仙韻

寂寞青樓女單居白雲端玉齒未曾啓芳春無所歡  
有節何人識無言片心丹重重翠雲屏不許他人觀  
却笑秦家女輕身乘彩鸞

次友人韻寄友人 次楓崖韻

伊人阻歡會秋風搖夕幃隔水怨芙蓉寒露添我衣  
孤舟夜波滾負叩月中扉不惜流光遷但怨始願違  
始願雖可違攜君同有歸

山中

山上泠泠水出山爲濁泉山中庶爲友山外塵滿天  
功利聲何及琴樽道自玄草閣朝露濕花靜午禽眠  
恍忽人間夢逍遙物外仙身生秦漢後神合禹湯先

次謫仙感興韻

捲簾春已晚芳華枝上稀隨雨又隨風紛紛何處歸  
寧從流水去莫向塵泥飛塵泥能滯物恐爾失光輝

送人

子來何遲遲告歸何局促朝揮辭我淚暮投何人宿  
朔風吹不休河橋水流急威遲城下路望子愁欲絕  
獨自立空山回看滿衣雪



別赴防閩人

脉脉出重門前山看向夕行人過又盡幾家占喜鵲  
稚子不知心牽衣求就席就席苦夜長奈此愁寂寞  
留衣謂早歸旋驚秋葉落不歸亦不恨生死渺難測

挽客死

客遊病未歸故園春草生悠悠隔親愛獨此長安城  
家人日又日佇望平安音死者即無知生者空怨淚  
悽悽哭君淚不忍同里心送君漢水上昔時迎君道  
薄宦有何好君歸苦不早送君一長吁他鄉吾亦老

挽權同知真卿嚴君

仁廟卽祚時羣賢初有缺蕭艾忽盈幃血泣人事違  
異鄉生白髮海曲爲孤囚歸來一身存零落悲舊遊  
玄都千樹花獨立無限愁卽今事惟新時望歸碩老  
一疾竟不起重門掩秋草靈輜待曉發山郭鷄鳴早  
淒涼溪上層葉落無復掃

挽張喪人

哀哀廣陵盧孝子情獨苦攀號樹盡枯淚滴無乾土  
一疾仍至孝良劑嗟無及羸悴衣帶寬不忍看斂襲  
弱妻與二子那堪聞血泣

挽叔獻外舅



白首患清羸休官殊未早  
曳疾尋良醫復涉長安道  
白日卧空廊舊筵稀相過  
情深館下甥死生勤苦多  
一哭江祖罷舟旋浮西波  
政平有遺愛泣涕三州老  
二兒哭隨柩小者初離抱  
悲風生綠蘋曉月下前島  
佇立水悠悠山回棹聲少

山花

山人獨出門滿山山花發  
清香夜應多爲待花間月  
狂風吹不休佇立空嗟咄

聞京報走筆別親舊

萬世在吾後百世在吾上  
此身立其中浩然一俯仰

事業豈不大無窮非與是  
少小慕先師孳孳勤行跂  
不讓第一等一欲止所止  
今古異其道虛名增謗毀  
以無謂我有不爲謂我爲  
賢哲古亦然於吾君莫悲  
求生固非道輕死亦非義  
其間有至理毫差謬千里  
休將禍與福於學爲勸沮  
勗哉歲暮心無忘臨別語  
有懷

衆草鬢孤芳幽香何損益  
白露滴夜半清風吹日夕  
貞心空自持不許傍人識

又

吾友謂吾曰古人吾可期  
有爲卽其人古今無異時



出言戒無信行身惟不欺成已又成物吾道其在茲  
吾友忽先逝大志中道虧好學今也無傷心非為私  
相觀更無質隻影吾亦衰梁谷名珣字叔獻唱起道  
將大有為吾東不幸未

五十四

走筆書懷

蒲目干戈裏偷安一枝棲萍蹤無遠近行伴是夫妻  
百結未掩骼霜風蕭瑟兮一飯祭不得卧聞烏夜啼  
骨肉斷音書生死隔東西白髮零落盡別久魂夢迷  
萬里同明月他鄉又鼓擊農桑無舊業秋草任萋萋  
雲谷哀辭

人言吾弟死地是東海瀕有生誰不死爾死為最悲  
白頭四弟兄蓬轉各千里飢寒兩不知所慶惟不死  
生時寄我書見書纔一旬路遠言莫信欲問憑何人  
畏人哭吞聲淚滴聲相連吾家鶻鴿原汝年為少年  
常擬我先死使汝歲我骨憶在提哺時慈愛於汝別  
飲乳汝最後含飯汝何先汝病我必痛我病汝亦然  
今日死不知呼天天漠漠汝死不我土孤骨委何壑

其一

汝有三女子丁難未歸人汝有一男兒啼飢病嬰身  
旅櫬地盡頭家鄉知幾里死後即無知臨絕情何已



日色為汝昏江流為汝咽含聲哭不得有怨何時淺

其三

汝病不得救汝死不得哭一影落坎井千里悲骨肉  
吾門兄及弟少小情愛篤今春改先窆孤墳土三尺  
相持哭一聲是哭為永訣吾欲附汝骨世亂何可必

其四

少我汝已死老汝吾能久去春握汝手相視悲白首  
昔病今不病人皆謂汝壽生既不我先死何不我後  
身病又時危無知羨汝夭死者或相逢終知別時少  
厥後又得弟書猶疑其死猶疑其生持服呼泣數月  
始知其虛計而釋服蓋時丁大患白刃嬰前身不得

相往來書信亦絕  
如在兵禍中哀哉

白髮

春風吹白髮吹落白花中髮白難少年花落又春風  
無情物無窮有情人有終浩然一長嘯千古弔英雄

天

君子與小人所戴惟此天君子又君子萬古同一天  
小人千萬天一私其天欲私竟不得反欲欺其天  
欺天天不欺仰天還怨天無心君子天至公君子天  
窮不失其天達不違其天斯須不離天所以能事天  
聽之又敬之生死惟其天既能樂我天與人同樂天



贈別友人

幽居萬籟息佇立千峯寂  
翩翩故人使溪雪初成跡  
書云客鐵甌待君吟月夕  
浮生百年間此會能幾日  
昨夢落華山纔見旋言別  
東海風不止兵戈何時畢  
死者既已矣生亦爲永訣  
脉脉兩無言相對看白髮

寓羊馬村曉次李白談玄韻

千山鳥聲曉幽人夢先覺  
歸雲流靜態落月掩寒貌  
露花濕不飛旣落還有要  
林端白色生漸入窻間照  
盈虛只一理默契閑中妙  
味淡尊內守慕寂輕外召  
獨坐誰同賞無私豈異調  
遐想忽有會時或宛爾笑

足不下庭戶何年事登眺

折竹吟

以下七言古詩八首

半夜狂風折竹數叢曉  
起對竹翻撫躬雖然可折不  
可凋落同蒲柳歸來高卧一  
慰一忡忡

江月吟

我爲江上客爲愛江上月  
江空月亦白月白心亦白  
浩然相對洞相照清夜漫漫  
天寂寂

在雲陽山中次友人見寄韻

清夜沉沉洞壑幽獨鶴頻驚  
松上雪曉風吹落何處  
鍾一聲迴度千峯月叩冰玄  
竇煎茶遲小奚斷夢香



烟濕山中住久道心全山外不信風塵急參差疊巘  
埋早紅隔窻曙色分又集靜閒還嫌日月遲冲虛翻  
訝詩書澁神仙只在方寸中休道飈輪遠無及武陵  
終未絕世間有友却向蒼生泣

白髮

白髮無端至春風偶爾來前年共尋我長沙萬里隈  
今年又來尋風波湖海頭不須慙懃尋我至年年添  
我故國愁

懷人

皎皎雲間月月缺圓有時雲散會無期悠悠水中舟

水流潮或來舟去何年迴情人浮舟逐雲去萬里一  
望唯見天獨對有信潮悵然看缺圓

歷金城故墟

齊據險  
避亂處也

金城爲國問何時城帶金名今古流金城不改國已  
無半堞寒月空悠悠烟開碧水千年色烏拂紅楓萬  
壑秋興亡不關山河美極目還成過客愁

是不足

君子如何長自足小人如何長不足不足之足每有  
餘足而不足常不足樂在有餘無不足憂在不足何  
時足安時處順更何憂怨天尤人悲不足求在我者



無不足求在外者何能足一瓢之水樂有餘萬錢之  
羞憂不足古今至樂在知足天下大患在不足二世  
高枕望夷宮擬盡吾年猶不足唐宗路窮馬嵬坡謂  
卜他生曾未足匹夫一抱知足樂王公富貴還不足  
天子一坐不知足匹夫之貧羨其足不足與足皆在  
已外物焉為足不足吾年七十卧窮谷人謂不足吾  
則足朝看萬峯生白雲自去自來高致足暮看滄海  
吐明月浩浩金波眼界足春有梅花秋有菊代謝無  
窮幽興足一床經書道味淡尚友萬古師友足德比  
先賢雖不足白髮滿頭年紀足同吾所樂信有時卷

藏于身樂已足俯仰天地能自在天之待我亦云足

名者實之賓詩

山家澗鎖武陵春烟霞十載修天真美玉從來空韞  
積姓名不許來紅塵在邦在家慕必聞笑他忘實爭  
其賓實固在內賓在外外物何有於吾身璞雖非和  
璞則璞豈待名後能為珎鳴俟有德即鳳凰踐不生  
草皆麒麟名之是好實反蔑鐵爐冒號頗紛縝離心  
億萬紂豈君三千同德周非臣儒名墨行歎衰世指  
庶稱馬譏狂秦宋愚藏寶定是石穆王刻木誠非人  
當初無物名亦無以指喻指都無因一自竅成渾沌



死萬物化化如洪鈞高以云山濼以水黃遂稱金白  
又銀名於是乎自他來適為君臣日以新實與為賓  
渾真偽月朝異號缺頻頻不觚稱觚謾尚浮世道一  
濤無由淳安石言堯行豈堯原憲家貧道不貧皆指  
其虛不指實此間賓主誰能陳嗟我早定內外分曳  
尾塗中樂隱淪耕田莫入有莘野垂釣不到磻溪濱  
讓堯天下反有名却向箕顛笑逸民

赤壁竒巖上一村以下五言絕句三十九首

小店倚絕崖柴門向水開汲泉雲外去採藥鏡中迴  
主人出不還偶題

寂寂掩空堂悠悠山日下出門又入門佇立還成坐

下山

殘夜鳴清磬攜筇下碧山巖花猶惜別隨水出人間

詠棲霞寓客

念時生白髮閉戶落寒梅京友斷書札山禽惟去來

雨夜

獨客耿無夢竹間山雨寒還如倚孤棹秋夜宿沙灘

泉源驛樓次松江韻

路窮南極海心逐日邊雲遙憶松江老清時掩竹門  
驛亭殘日酒征馬楚山雲樓下濺濺水隨人出洞



門

暮詠

脩竹翳寒烟涼生近夕天一身千里外無事是神仙

偶吟

我似梅花樹南移厭比還長安桃李日誰復問孤寒

竹

遠保千年碧他時鳳下來三春能幾日桃李夢中開

南溪暮泛二首

一棹依芳渚千峯看白雲回頭喚酒處花雨落紛紛  
迷花歸鳥晚待月下灘遲醉睡猶垂釣舟移夢不移

靜坐

不出南庭畔遊觀唯敬天心中無一物默契未形前

遊觀唯敬天夢中所得句也謂敬天則萬象森然於  
未發之前遊觀之樂唯在於敬天時也因足成一聯

次韻二首

沉吟成一醉孤夢倚晴霞睡起香生石無風落晚花  
極目晴天外歸禽伴落霞他鄉春又過飛盡洛陽花

川上

長風吹夕霞微月動川華白露落高樹香生幽谷花

七月初一日

乙巳終天痛于今二十秋年年今日淚一一為民流



夜行

風雪窮山路騎牛夜獨過村遙淡見火江靜迥聞波

鴻山

山間黨某自作楚詞詩于鴻山後隸見釋可

鴻抱凌霄志來投絆縈中開籠應有日一舉海山風

南土多蠅戲題

北山愁白額南海困蒼蠅壯士今無搏騷人謾賦憎

偶吟

萬死投南國孤棲竹杖寒杜鵑悲獨苦鷗鷺羨長閑

獨坐

隱几愁將夕秋陰滿小樓流螢欺白日穿樹各爭頭

次邑倅韻以報二首

瀝血竟無言愛民心轉苦九天濛復濛悵望五雲阻

簾中日月長戶外風霜苦閑處是仙宮莫言山海阻

客中次人憶京韻七首

白委秦城骨青連楚塞烽上陽宮裏月依舊掛西峯

千官披草棘幾夜仗新烽雨泣宮中樹春殘仗外峯

念弟題新句傷時占遠烽夢裏仙宮近蓬萊第幾峯

萬井春無火千山夜有烽行宮璇漏轉花落負兒峯

手撫龍泉劍天遙照急烽白頭空佇立寒雨落危峯

旅館人虛老何時有捷烽落花濺沒膝門掩萬重峯



直視扶桑路頻年困海烽誰將三尺劍高掛日邊峯

江上書懷四首

萬里天連水孤舟客未歸白屋悲魚尾青山落楚圍  
繫舟人卧病湖海又春風虎視三韓困堯心萬國同

時天兵來救

白首英雄困干戈歲月驚天書方罪已邊策又徵兵  
勢失龍魚服爭多鹿虎皮沉吟終永夕落月滿江湄

覽李謫仙四皓墓詩有感

酣碁爭虎日成翼詠鴻時願為儲皇死休言定是非

別人次所贈韻

逢人問死生同樂負初計斑斑兩袖痕非為別離涕

夜坐

層城聞遠笛月照紗窓明展轉不成睡為誰無限情

江上

寒角斜陽外江村一二家乘桴吾豈敢滄海亦風波

鳥鳴有感

足足長鳴鳥如何長足足世人不知足是以長不足

次栗谷韻

以下七言絕句一百二十三首

微霜一夜早涼生千樹隨風落葉輕窓外孤松籬下  
菊無情還似有溪情



風塵局束二毛生一葦歸來萬事輕江上秋山不相厭世間交道在無情

原韻

秋夜蓮堂四首

與故人對酌急逢風雨

池荷蕩漾珠難定堤柳顛狂影不留月到晴天應更  
好片時風雨亦堪愁

簾外狂風落晚荷樽中綠酒漾微波世間總是無情  
物休問傍人夜幾何

風欲還時雨點稀一盃傾處百憂微回舟不待雲中  
月為惜紅芳逐棹飛

玉杯美酒全無影雪頰微霞乍有痕無影有痕皆樂

意樂能知戒莫留思

第一首謂有憂患終必有喜第  
二首謂逢憂患只當任之而已

第三首謂否去泰來亦不可窮其  
樂第四首謂微戒故人以酒色云

不欲見人家兄勸見之敢題

靜中真味晚逾淡微醉醒來柳轉陰琴自無絃絃不  
斷世間非謂少知音

病中寄人

病榻秋聲簾不開隔簾看月月應猜年年減却前年  
事誰對黃花把酒盃

獨卧

芳草如烟對鹿眠落花流水夕陽邊無為更覺為真



樂誰信關中別有天

望月

未圓常恨就圓遲  
圓後如何易就虧  
三十夜中圓一  
夜百年心事總如斯

詠閑

微吟徐步養天真  
盡日山中不見人  
松上白雲松下  
水世間高致在清貧

見地圖黃河水有感

禹跡荒涼不可尋  
見清何日只長吟  
臨流有歎無人  
識萬古誰傳不濟心

讀孟子說滕以井田之制掩卷有感

商周寂寞困蒼生  
孟氏當年志未成  
儂後橫渠嗟又  
遠謾將王制付殘經

偶吟

千峯白雪靜無塵  
一炷香烟伴此身  
山外催租官事  
急不知人世有閑人

雲庵次友人韻

連宵寒雪壓層臺  
僧到何山宿未迴  
小榻香消靈籟  
靜獨看晴月過松來

龜山道中二首



無心進取坐忘行秣馬松陰聽水聲後我幾人先此  
路各歸其止又何爭  
過盡前溪宿雨晴海棠花色漸分明離邊細草眠黃  
犢牧笛時聞弄太平

宿江村

過飲村醪卧月明宿雲飛盡曉江清同行催我早歸  
去恐被主人知姓名

宿山寺

坐對孤僧兩不寐焚香一夜聽蕭蕭曉雲滿壑無歸  
路童子開門掃石橋

朝起獨坐

春花落盡曉窓閑惟放風琴出竹關白雲來宿還歸  
去應恠經年不下山

立春後

靜榻初驚日影差觀書還喜晝功多庭梅春意無偏  
化不別南柯與北柯

宮怨

幾處承歡樂未休夜渡歌管向西樓宮中一樣黃昏  
月繞到長門便作愁

曉詠



曉露霏花滴滴香入簾山色滿衣裳柴扉日上無人  
喚不信塵寰萬事忙

贈叔獻家相逢詩釋

為訪詩仙到洛中烟霞猶惹下山筇無端夜雨梅花  
發夢入青溪第幾峯

去喪同兄弟侍母獻杯

泣血三年未死身還將絲管慰孀親海山秋色渾依  
舊含淚相看白首人

送陳慰使

時嘉靖天子崩末  
黃為使求詩題贈

輕箠短笠太平人手理荒園二十春悲淚數行臨別

意始知巢許亦堯民

挽鄭生龜應二首

昔時君母哭君父君在懷中初飲乳哭君今日不堪  
聞夜到五更聲轉苦以言母挽

弱妻來對銘旌哭一子學言一在腹夜雨無端春浪

生靈車曉出身逾獨以言妻挽

挽從父繼父守門將一人

東郭僑居二十春抱關寒夜鬢毛新追思舊日重陽  
會諸父行中只一人

挽大老慈闈



二家慈母偏憐子憂癯當年信使頻孤露餘生猶帶疾忍看衰經又吟呻

挽聽潮堂主人子

同里情淡祖子孫生雖先後即隨肩江扉晝掩添新病白首誰知哭少年

霞堂四欠興江分

題品如何失重輕牧丹紅紫近中庭蒼髯古栢疎籬外半夜風來有怨聲右籬外不合

剖竹泠泠水有源池邊瑤草細相分無雲擬見全天影莫遣青絲惹縠紋右池邊不空亂植芳蕪

百日孀然松竹叢元來物色不相同前灘正對輪

蹄路合作行人照眼紅右請移植紫松江

不向春天競桃李却將紅艷寄霜風豈知傍有松

千樹一色蒼蒼四序中右請拔去松松江

挽內弟平原妻

舅氏謫中為客魂靈攀老母哭望北可憐靈又棄而歸老母如今誰為哭

昭君辭為人作

休向胡沙怨別離長門咫尺亦天涯花間畱灑思君淚早晚隨風上玉墀



玉無遷轉海無窮  
虛取丹砂試辟宮  
一識君王辭漢日  
百年心在漢宮中

林石川席上呼韻二首

相國詩篇元不俗  
狂生身世本無關  
醉後欲歸山月落  
白雲來濕羽衣寒

山川決決路登登  
半夜無人月作燈  
缺缺洞雲初罷  
雪游仙三四踏成冰

憶昔毗盧頂上登  
歸來雪屋一青燈  
叩門何處神仙骨  
瀟灑人皆出壑冰

春晝

石川

雲謠在手枕金罍  
夢裏尋仙醉未迴  
山鳥不鳴春寂寂  
閑花移影下層臺

雪曉

鐘鳴古寺僧初起  
篷掩孤舟釣不歸  
一點孤松埋未盡  
獨看寒碧映朝暉

田家

映水疎籬三四家  
微風吹送小桃花  
田翁排戶望官道  
兒子不來山日斜

桃村晚起宿客已歸矣

春鳥催人睡起遲  
日高猶未啓山扉  
閑居寂寞休烟



真卷之一  
火慚愧詩仙半夜歸

偶題

我不謝人人不來白雲山徑長青苔室中自有無窮樂萬卷經書酒一杯

謝人寄花

仙壺貯得清江水挿寄寒香病臥家堪笑一春渾似夢夢中還待夢中花

詠西湖處士

片片梅花步步詩柴門有客鶴先知人間一棹黃昏月月在西湖分外奇

曉

童子穿林叩薄冰慙烹茗留歸僧主人窓下足春睡山外不知朝日昇

過清溪峽

繁花飄落一溪紅白鳥雙飛錦繡中醉客無心尋道士小舟浮在去來風

舟中睡起

棹歌一曲廣陵西芳草萋萋日欲低過盡名山渾不省夢隨流水入晴溪

雜詠



門閉獨鳥下空庭人卧松陰醉未醒邊水有花風政  
急春先流過幾山青

宿山寺曉出

萬壑雲生去路迷一聲清磬斷橋西前林月落僧歸  
院獨上層巖聽曉溪

山中

獨對千峯盡日眠夕嵐和雨下簾前耳邊無語何曾  
洗青鹿來遊飲碧泉

雜詠

日過茅簷掩短扉叩冰炊食午烟遲不知夜雪埋寒

竹步出東橋問小兒

雪後夜坐

瓊瑤一色四無垠鳥絕江空夜欲分心源靜與乾坤  
合有物還嫌月作痕

籠鶴爲村童所傷二首

多情湖叟勤籠護無意街童擢羽毛息怨世間渾不  
省碧霄歸夢政迢迢  
九臯清響反戍身飲啄無心近世塵軒上殊思非所  
養更投沙磔是何人

尋老隱犬

鶴溪  
巖君



一水回通萬壘山  
閑花浮出碧雲間  
幽人採藥前山去  
芳草連溪掩竹關

無題二首

一行垂柳掩紅簷  
畫罷雙眉月樣纖  
自折嬌花調外客  
佯羞還下水晶簾

嘲時習

荔枝一箇江南草  
連理無情半夜言  
男子幾人還回

寵香羅巾下有冤魂

非謂妃子無罪也

獨卧

入簾山色碧依依  
盡日微吟掩竹扉  
卧笑白雲無定態  
既西何事又東歸

送舅氏

行出摩雲雪滿程  
郵亭遙夜客愁生  
海濤聲裏家千里  
曉起頻看故國星

贈舅氏妾

日日江頭望遠人  
今年楊柳去年春  
分明記得前宵夢  
試上粧樓拂鏡塵

睡起

千里飄蓬六尺身  
十年虛負洛陽春  
樽前醉夢真吾土  
窗外青山是故人

廣寒前溪夜泛二首



滿船風露夜淒淒何處青山杜宇啼  
烏鵲橋通銀漢水一天花月使人迷  
一溪移棹夜雲長兩片幽花拂面香  
扶醉下船渾不記夢回沙渚月盈棠

對梅懷人二首

迢遞江南信使稀幾宵歸夢月明時  
攀枝欲寄春風晚不是梅花舊意移  
開何不早落何忙昨夜狂風蒲地香  
北望佳人頭欲白一年春盡又他鄉

睡起郵亭

客夢頻驚聽早鷄曉天殘月影高低  
道平如砥愁辛苦風作飛塵雨作泥

尋連山新都

人和當日棄龍盤仙跡猶存萬歲山  
回首漢南春寂寂夕陽高掛五雲寒

次金希元黃山亭韻三首

散擲琴樽倚小亭池荷香動醉魂清  
沙明十里映疎雨日照千林猶晚晴  
天容雲彩撼山亭石鑿方塘活水清  
休道此翁無可友一雙幽鷺下秋晴



事一輪明月萬山晴

贈人

午夜承歡下九天羅衣香帶御爐烟花容如昨恩還  
斷感色休言未十年

有感

花竹咸生雨露天心期誰信雪霜前太平同樂非難  
事窮處方知雅守堅

中秋月寄牛溪

為雲為雨任紛紛富貴繁華換主頻獨有中秋天上

月年年依舊屬閑人

曉起

吹角孤城月影沈池荷香濕曉雲淡幽人初罷秦關  
夢脉脉憑欄無限心

曉霽

秋空寥廓鳥驚棲餘滴玲瓏竹影低曉雲含雨歸前  
島落月猶留古堞西

秋夜

那堪千樹葉皆飛一別經秋夢亦稀家落海西消息  
斷月明何處搗寒衣



流離中用謫仙韻五首

投壁出門煩抱負大兒吞哭小兒啼行人過盡無歸路極目萋萋芳草齊

人語傷心殊處處山禽猶作故園啼爲傭笑未除前習老妾愁眉與案齊

兄寄山東弟海西臨歧不敢向人啼江南再見梅花發孟子無心久於齊

欲祭吾親家萬里隔窓愁聽夜烏啼來時手種庭前樹聞道如今與屋齊

東海悠悠不復西丈夫那效婦人啼希賢希聖當年

志國可治之家可齊

憶兄弟二首

今在何州望亦虛夢傳書信覺還疎前提後哺當時事念及辛勤淚滿裾

心非一事書難盡居轉東南夢亦違嗟我後生今白首共攀松栢更何時

曉起

鴈行零落江天遠姜被淒涼曉月寒十載弟兄雲外隔故山松栢夢中攀

秋夕



手植高松入採薪鄉壤何處托孤魂太平人作流離  
子誰酌清泉慰廢墳徒元奠墓之俗節也此向呼墓  
無所遊之人不孝通天罪

贈金而精

入言不到公明地風雪偏侵獨立姿雙鬢各隨時事  
變水鍾秋月是心期路出平山而精為平山宰慨然  
詩不相見近

化鶴樓

池面烟消柳影齊一聲長笛夕陽低朱欄縹緲入猶  
醉仙夢初回海島西

栗串津上次南窻

金玄贈別韻

相逢又作別離人白髮飄然映碧津津上有松經世  
亂羨渠長占四時春

班荆江岸送行人漠漠寒潮正滿津朔吹卷君行  
跡去天涯幾日可逢春

原韻

江上吟四首

耳聞目見殊深淺口說身行有易難戶外屢隨春夢  
散滿江風露一簑寒  
先聖見心難見面世人知面不知心春風萬里無相  
問江月悠悠照玉琴



一葉扁舟四海心萬山回首白雲深  
儒家功業身中事今古英雄謾外尋

舟欲返時風更急釣將投處水偏深  
萬事無心成一醉卧看明月出遙岑

謫在威城 龍御西移衣冠多死對鏡吟得以  
贈故人

洛陽花發春無主千里長沙作帝畿  
回首昔年知舊裏幾人能得鬢邊絲

獨卧

何人能復濟生靈隱几堂中萬里情  
春夢半隨風雨

散洛陽花月未分明

次友人見贈韻

天戈東出凜秋霜問罪雕題慰死傷  
麟閣何人功第一老龜無用合支床

張良三首

衣繡楚猴悲玉涕食芝秦老下仙山  
從容帷幄無多說指示追奔總不開

不獨傷心向故墟殘凶兼為匹夫除  
祖龍戴首魂先碎莫恨沙中中副車

吾讎在楚非私漢當世虛稱帝者師  
不事詩書難久



處赤松高跡少人知

次友人韻二首

題柱雄心墨未乾  
掩篷孤卧雨聲寒  
人間平地多風浪  
贏得舟中一枕安  
雨後秋山染不乾  
扁舟身世一簑寒  
莫道無心治亂事  
有時魂夢到槐安

松下會酌

滿目干戈四海同  
偶來松下聽清風  
一枝無處安巢鳥  
三顧何時起卧龍

新到經亂地次人

數株殘柳夕陽天  
芳草閑花覆古阡  
啼鳥一聲寒食後  
孤城何處見新烟

獨立

長嘯仰天天浩浩  
俯臨滄海海無窮  
獨立此間無一事  
却將興廢笑英雄

次人

白馬盟寒負乃公安  
危只係採芝翁  
天理至明終不隱  
一人空與萬人同

旅寓中次友人見寄韻

落花滾處獨眠人  
虛負山中漉酒巾  
追思烟月名園



一葉扁舟四海心萬山回首白雲深  
儒家功業身中事今古英雄謾外尋

舟欲返時風更急釣將投處水偏深  
萬事無心成一醉卧看明月出遙岑

謫在威城 龍御西移衣冠多死對鏡吟得以

贈故人

洛陽花發春無主千里長沙作帝畿  
回首昔年知舊裏幾人能得鬢邊絲

獨卧

何人能復濟生靈隱几堂中萬里情  
春夢半隨風雨

散洛陽花月未分明

次友人見贈韻

天戈東出凜秋霜問罪雕題慰死傷  
麟閣何人功第一老龜無用合支床

張良三首

衣繡楚猴悲玉涕食芝秦老下仙山  
從容帷幄無多說指示追奔總不開

不獨傷心向故墟殘凶兼為匹夫除  
祖龍戴首魂先碎莫恨沙中中副車

吾讎在楚非私漢當世虛稱帝者師  
不事詩書難久



處赤松高跡少人知

次友人韻二首

題柱雄心墨未乾  
掩篷孤卧雨聲寒  
人間平地多風浪  
贏得舟中一枕安  
雨後秋山染不乾  
扁舟身世一簑寒  
莫道無心治亂事  
有時魂夢到槐安

松下會酌

滿目干戈四海同  
偶來松下聽清風  
一枝無處安巢鳥  
三顧何時起卧龍

新到經亂地次人

數株殘柳夕陽天  
芳草閑花覆古阡  
啼鳥一聲寒食後  
孤城何處見新烟

獨立

長嘯仰天天浩浩  
俯臨滄海海無窮  
獨立此間無一事  
却將興廢笑英雄

次人

白馬盟寒負乃公安  
危只係採芝翁  
天理至明終不隱  
一人空與萬人同

旅寓中次友人見寄韻

落花滾處獨眠人  
虛負山中漉酒巾  
追思烟月名園



會玉漏聲遲萬樹春

次同宿友人韻

隔窗飛雪曉風輕  
松籟依然故國聲  
歸夢不知湖海遠  
却隨殘月落寒汀

贈同約避寇人

雲外行裝月一簑  
輕舟隨處足生涯  
傍人錯訝漁郎至  
懶惰無心又種花

獨往

洞裏尋春微雨餘  
蹇驢獨訪桃花水  
林深景黑還歸來  
此外應留避世子

對十日菊歎過時

九日香非十日衰  
今朝何事使人悲  
遙知獨立東門外  
不似唐虞王帛時

有所思

門外漠漠迷去路  
眼中依依見遼西  
自折梅花眠不得  
謾聽明月子規啼

病中

琴書一室性情清  
卧病年年草自生  
山外不知人事變  
錯將花月咏升平

懷牛溪

太平時與牛溪翁相期以第一  
事今日兵亂相憶不見悲哉



不上蓬萊峯第一當時猶未許尋真萬里相看天外  
月百年長憶夢中人

偶吟

九萬迢迢夜氣清片雲飛盡月分明世無嚴子知仙  
跡槎到天河只獨行

夜坐

仙漏遲遲萬念灰一聲長笛月中來只緣慕道誠猶  
薄休說天關不大開

頭白

人言頭白爲多愁我自無愁亦白頭白頭雖許人同

老不老存中死不休

楮子島次友人

弄月平湖懶上山滿船風露一簑寒醉來歸卧松根  
石盡夜無眠聞遠灘

次擊壤韻

林間無物撓清懷天月流光入酒盃何處仙翁調鶴  
過數聲風遂落雲街

朝起

鶯啼綠樹曉雲淡宿醉微醒倚玉琴窻外不知花落  
盡起來虛奏戀春音



閑中

世遠始知無毀譽山澗方信有神仙白首都忘天下事一瓢高卧月中眠

曉起

幽夢初回海日明落花啼鳥掩山扃白雲澗處堪伸脚誰向君門作客星

對酒吟

有花無月花香少有月無花月色孤有月有花兼有酒王喬乘鶴是家奴

送人

無邊落木送君歸錦水西風日暮時夜看明月維孤棹回望天南故舊非

謝人送果抄訛作果

嚼未吞之可傲仙花開何必待三千囊歸海上吾多計莫學林中鑽核賢

龜峯先生集卷之一



龜峯先生集卷之二

詩下

遊南嶽

以下五言律詩一百三十九首

衣草人三四於塵世外遊  
洞深花意懶山疊水聲幽  
斷嶽杯中畫長風袖裏秋  
白雲巖下起歸路駕青牛

曉行

夷險無入問高低任馬行  
寒鍾何處寺流水隔林聲  
徑轉孤星沒天開遠岫生  
遙看滄海日此路喜重明

君山鐵筵

鐵筵紫荆曲洞庭湖上山  
引風經鴈背和月落雲間



數闕腸能斷三成髮欲斑孤舟何處客千里未曾還

偶吟

入間悲白髮天外望仙槎芳草起嵐氣夕風增水波  
長空獨鳥没落日青山多佇立有遙想幽期無奈何  
郊居述懷

數滴梧桐雨高眠曉氣清家貧花自發人卧草偏生  
寂寞心無累繁華夢亦驚省中真有悟身外總虛名

宿楮子島

舟泊春灘下眠依躑躅花香烟迷醉夢風露滴漁簑  
未曉人猶語回檣月欲斜計程知幾夜雲水入無涯

觀瀾臺

颿落平丘夜花連斗尾春半江殘月影孤棹獨眠人  
灘急聲依枕山長翠濕巾沙禽驚短夢曙色起青蘋

尋老隱丈

繫纜清江曲騎驢日欲斜一溪南北岸垂柳兩三家  
野鹿眠芳草山禽落晚花幽居知漸近小路入晴霞

江上別詩僧

白鷗同伴宿孤島夜雲隈笠重西村一作郊雪筇香古  
寺梅尋真忘歲月畱鶴守蓬萊行止皆無地從今幾

日迴



赤壁竒巖上一村

明河連戶牖嶽氣惹几筵夕炊烟歲月朝漱雨落天  
離塵眞異府鍊魄豈神仙何能占連溪高躅繼冷然

歎北報

運籌每噬臍枯骨盡黔黎海月連戈劔山風響鼓鼙  
將軍貂續狗謀士鶴同鷄聞說天驕子稱王鴨綠西

聞故人作功臣奉寄二首

雅信文經國還驚武秉忠借籌資上策無戰奏成功  
彩着陽鳴鳳威行草偃風爲霖仍洗甲調鼎夏和戎

定內難信非一相之功夏願出竒運神以却外侮

天假交河虜兵屯細柳營枕戈眠老將吹角掩孤城  
鷄犬初分散釋兒未長成安邊應有策賈詵是書生

慶源隋城之後連歲被虜聞來惻然敢及之

宿赤壁村二首

倦客投寒店踈篁薄暮風一僧歸野寺幽鳥下蘆叢  
布席雲霞滯開門水月空主人來問姓相對兩衰翁  
小屋隣殘寺疎鐘隔岸風歸心隨逝水孤夢倚寒叢  
月入秋山靜鷄鳴曉洞空欲行前路遠重問主人翁

朝發赤壁

童子喚幽夢客窻朝日紅懷鄉水萬里問程山幾重



學道愧童甫行身悲斷蓬腰間三尺劍無計倚崆峒  
送潭伯崆峒移守錦城四首伯士秀也才兼文武以鬪外自謙文  
僉望歸高智移旌壓遠夷威聲秋渡海浩氣月臨陴  
壯志三韓小孤忠一劍知簡書增彩色誰復歎時危  
綺黃非避世夫子欲居夷塞雨迷秦樹秋雲映楚陴  
道違今日用名許後人知丘壑慚多逸兜鍪歎獨危  
文起湖中學魂驚日下夷風霜驅海瘴歌誦擁山陴  
獨立持吾義輕生信主知省煩非自養東土卜安危  
東晉思安石西京念富民一州非聖意五斗豈謀身  
略秘肯藏甲仁深虎渡津島間聞設祭波定日邊春

贈新寓隣人用杜詩韻

初蕙成長佩裁荷作短裳無家常旅食不飲亦清狂  
新識為親戚他山是故鄉秋天看更遠歸鳥帶斜陽

宿歸鶴亭四首

歸鶴亭猶在亭空鶴不留壇明天漢近簾重海雲流  
月落泉鳴夜山高露滴秋無由聞遠遂歧路雪盈頭  
吾友客南國高亭墨尚畱孤舟無繫處風海憶安流  
別裏看明月愁邊又一秋浮雲連漢樹遙夜幾回頭  
浮海嗟吾晚蠻鄉跡久畱感時天北望懷舊水東流  
匹馬尋真路千峯落木秋思人簾攸捲孤月在山頭



一鶴歸玄圃千年亭獨留星光依砌落山影入溪流  
竹驚天外夢荷破月中秋逸志超塵世長吟愧白頭

獨坐松樓

雲散前宵雨樓高霽色明一年今夜月千里未歸情  
簷豁羣峯小庭虛曲水清阮窮猶自適無愧笑書生

雪

無等山頭雪隨風落滿庭近簾催曙色入竹助寒聲  
浩渺迷關路繽紛惹客情霽天東海月何事又來明  
旅館清曉

幽人自無夢雨過虛堂寒花濕明新旭竹低多遠山

塵心窮處盡真味靜中看半世交遊事浮雲聚散間

客中用杜詩韻

海近雲連竹裘寒夕翠霑溪聲穿落葉秋色下重簾  
地盡青山遠時危白髮添北窻歸未得何處卧陶潛

秋夜宿剛泉寺

寺即訥齋冲菴剎疏處

氣蕭千峯靜天虛萬象懸那知興國寺更滯問津人  
鳳去悲今世言危悼昔賢淳風何寂寞塵外羨秦民

曉自剛泉過蓮臺上月淵臺

雨散蓮臺曉餘寒掛石門林搖秋色落鳥起磬聲分  
臺酒緣蒼壁囊詩上白雲漸高天宇大不必歎離羣



九九之明日投士人村居云是士人初度日子  
中司馬新婦獻觴

泛菊重陽節明朝是吉辰枕涼藏舊扇堂穩戲新斑  
婦德天中鳳君恩律外春慇懃詩禮訓慶溢壽杯間

曉雪

窻虛夢自驚冰厚水無聲竹壓禽頻起僧寒磬不鳴  
寂默心魂定迢迢世界明森然成獨坐真味孰能爭

曉起見故人書

客睡未曾洽夜長聞遠鐘辰光連雪白行裳帶雲寒  
有守窮猶泰無憂險亦安大明能照物親舊莫淡歎

念弟

孤夢猶關塞人傳繫洛師生存皆聖澤不罪信明時  
獨鶴歸無托殘梅折寄誰割恩終未得溝壑有啼兒

夜登廣寒樓

靈光生別島仙篆在方塘獨立愛山靜步虛耽夜涼  
白連天色遠清入水聲長風落霞如雪紛紛映羽裳

偶題

道直恩先貸情淡枉易分功將天鎮物事以靜持喧  
有信雲中日無形霽後氛是非真不隱休歎若絲焚

書懷

廣寒樓前  
水皆西流



千里又千里白頭爲楚囚天同春一色山換水西流  
信道遵中守遺名斷外求念時空遠曙不是故鄉愁

獨坐

芳草掩閑扉出花山漏遲柳渡烟欲滴池靜鷺忘飛  
有恃輕年暮無爭任彼爲升沉千古事春夢自依依

客中

旅鬢渾如雪交情總是雲艱危明物理寂寞見心源  
世遠言誰信蹤孤謗未分山花開又落江月自虧圓

靜坐

味淡無夷險情輕任去留功程看草長世道付山流

物外莊生馬人間范蠡舟高翔雖可樂靜坐亦忘憂

道上

曠野悲風急蕭條間井稀時危門閉早山遠客行遲  
落照孤雲外長天一鳥歸東南居未定惆悵更臨歧

尋蛟龍山

一路緣流水窮源入翠微鹿閑眠草久人醉出花遲  
巖護經朝雨林歲未夕暉仙風吹老鬢玄我短長絲

獨立

向晚洞門靜一聲何寺鍾孤眠溪上石醉起竹間風  
落照踈疎雨晴雲開遠峯澄心空佇立飛鳥入長空



夏滯松樓

有命安吾義無私樂彼天客憲藏寶劍世道付閑眠  
五落楚江葉三爲吳市仙去留何計較遲速在當然

秋夜

地僻犬猶吠村荒門不扃臨溪有老樹半夜連寒聲  
獨客耿無夢懷鄉瞻遠呈龜峯綠蘿月應向舊池明

獨坐寓中用李白韻

夕風吹片雨寒日照孤城隔島有蕭寺響雲來磬聲  
曠然凝道想默坐蕩塵情身老轉無事時危空遠征  
夜宿豆陵溪上

短夢溪頭石泠冷入夜清谷澗一杵響村遠數燈明  
鬢上寒螢度衣中白露生無家來伴爾宿鳥莫相驚

秋夜

夢寒驚落葉身遠愴飛霜白髮餘無幾黃花又異鄉  
虛名憎一世儒術慕三王夜起看孤劍雄心萬里長

客中二首

有路吾何適無家夢不歸避人非遜世言志豈爲詩  
道在才難試時危計轉違出圖嗟已矣浮海慕先師  
錦水浮雲外光山一醉中心能忘久速地不問西東  
消息言難信歸來夢亦空在懷兒學字爲客父成翁



聞洛報寄趙汝式汝式上章被謫

戰北多新鬼憂南少舊臣白登千古恨玄菟幾年春  
蹈海懷高節談玄鄙保身清湘愁落日先見又逢嗔

偶題

狂言雖近訕誠意只憂君海濶悲精衛江深怨楚

魂忠能安白刃氣欲動星文按及衡門老芳名愧並

存間汝式上章獨諱白衣挾砧斧伏之

次醉翁韻

青春辭漢早白日卧雲濶一鳥桃花雨長空海鳥心  
醉鄉愁不到仙髻雪難侵塵世相忘久維舟莫浪吟

獨坐

隱几濶雲水窮經長薜蘿不求知事少有守得天多  
山靜香生草江澄月在波心源虛已久無嘯亦無歌

幽居

春草上巖扉幽居塵事稀花低香襲枕山近翠生衣  
雨細池中見風微柳上知天機無跡處淡不與心違

睡

眾鳥歸飛盡清風生夕林人眠石上月露滴花間琴  
一水天機遠千峯靜味濶古今誰不睡高致少知音  
晴曉



碧濕雲連草紅低雨壓花暗泉鳴遠谷初日在溪霞  
獨卧巖爲席無門樹作家千峯迷去住長嘯倚天涯

高卧

高卧養玄牝霞樓傍寂寥林聲晴作雨江色夜連朝  
山靜春期遠天長鶴路遙寄懷雲漢表風御任迢迢  
寄勉汝受

懷君真有意不是恨相離村僻鷄聲斷雲沉曙色遲  
無眠空獨起有淚只心知志在天必遂休道我何爲

送人

交道知心貴相尋豈在頻臨行求別語平昔是情親

易水看新月長城弔古秦歸來君有得莫作一般人

贈友人

塵寰間弱水仙界有銀河一別音容斷相思髮髮華  
良辰如夢裏跬步卽天涯好會秋期近傍人莫怨嗟  
有托時有戒心事不期來投林池清靜主人

有托捐思慮冲虛道味長水逢溪處定荷到靜時香  
高枕山禽斷開簾夏夕涼神仙非物外成毀總亡羊

謫熙川途中班駟正月

隻影捐親愛雲山路幾千隨身唯白髮識面但青天  
夜拆同南北方言異後前傷心箕子國無跡問遺賢



香山

山嶽威靈赫田原雨露均日星休徃復天地失昏晨  
竇閉千年雪花開五月春康衢歌帝德聞昔降神人

山中有感冠辰  
明正山到熙川七月避海

山外黃埃合山中白日晴茹芝憂世道卧石念民生  
沉濫誰兼濟深藏愧獨成三都風火急何處是王城

聞百官在道多亾經亂踰時未見中興之策傷

歎敢題二首聞都民以酒食勞  
賊迎降云悲哉

講學舟中久金輿杳莫還魚頭安萬姓鳥道散千官  
果熟新誰薦壇空火已寒傷心京洛路不見漢衣冠

萬命危朝露千門鎖夕陽酒迎新部曲血濺舊農桑

白羽追黃屋金聲入玉堂唯聞全俊幸不見效忠良

聞金士秀戰歿不埋將非其人  
志未售云

南土猶征戰忠臣未返骸丹心應照日青血豈生苔  
為鬼知殲賊升天庶作雷有墳多少死休歎死無埋

憶趙汝式先知宗社將領上章被謫  
及亂唱義兵守要路戰死

屈子非宗戚張巡未職分功逾淮上守忠邁楚江魂  
老恟生應走威靈死亦尊全軀簪佩者論說任紛紛

避亂在山中次伯兄韻

境僻風烟隔山開日月新爭棊非作戲尋水笑迷真



始惜舟中指還追鶴上人三千桃結子長占紫霞春

採松

真人避人世世人那得逢夜吟天月白晨卧海雲空  
玉貌經千歲花冠遍五峯採松傳秘術歸與萬邦同

夢詩

上一句枕上所補其餘夢中作

夢裏逢仙子相持酌紫霞香分贈月桂碧亂渡銀河  
筆健傾天瓠詩清發雪葩東來流水急但恐早迴槎

覽李謫仙過四皓廟詩有感

名傳非隱逸身死下神仙笑落竒謀裏慚為戚里賓  
高山宜遁跡瑤草可長年已歎無堯舜何煩異漢秦

春晝獨坐

晝永身無聲雨餘山更青事稀知道秦居靜覺心明  
日午千花正池清萬象形從來言語淺默識此間情

山中寓久

大樸藏聲臭心閑得自如盤中供藥草夢裏見詩書  
泉閔人多壽山靈虎不居桃源非卜地仙子是秦餘

吾年

吾年六十一日覺俗緣空有壽仙何學無愁酒不功  
養多心轉靜看久理逾通末路相知少迢然出世翁

偶題



獨醒非逐子三黜愧前賢落盡愁中髮空懷鶴上仙  
一身長作客萬事總關天有缺看明月無窮歎逝川  
宿開平村曉別主人

片月隱西山行人愁路難翁言覘野外曙色來雲端  
縹緲星河落分明世界寬樽中吾有酒取醉莫輕還

次從臣韻

一片峨眉月傷心蜀道賒拂雲旗落盡眠雪甲生花  
冰厚江爲路沙長馬是家千官衣上淚一一灑恩波  
大定江村迥嘉平驛路賒他鄉對青眼十月見黃  
花一死寧論命浮生着處家杯行莫放手留待照

金波

柳根

宿瑞興之五雲山寺

仙境遺塵跡迢迢鎖玉扃沉吟秋欲老高卧醉初醒  
流水無留響閑雲不定形道心隨鶴去天遠入冥冥  
姜德輝期會山寺姜時却賊成功余自謫所初

歸

百戰三年別長沙一影還相思餘白髮有約宿青山  
知止身飛鷺無心雲去閑閑忙皆自得斜日獨憑欄

獨寄山寺次前二韻

千峯雲作戶一石月爲扃玉篆迷難記仙桃醉不醒



風清天送遂霞斷鶴呈形碧落潑如水銀橋掛渺冥  
風御本無跡仙遊自往還天開明一月水止映千山  
獨立中宵靜高眠盡日閑有期人不至乘醉倚華欄

次唐侍郎宋應昌韻二首

雲盡乾坤大風清日月高除殘飛玉劍滌垢倒銀濤  
廝養騎龍種偏裨著錦袍何煩撥虎穴橫槊更揮毫

侍郎以監軍來東退物甚於他將未句及之

白日旌旗動青天劔戟高風行山偃草鯨退海藏濤  
殺氣收蠻雨歌聲擁漢袍軍還無一物千里察秋毫  
軍多求貨故未句戒之

麗國山川好閑亭風物高林深無虎豹海近不波  
濤黃鳥鳴青柳幽香接素袍溪流清且淺水底見

織毫

原韻

寓在遂安山村

居高仙縹緲心遠契從容賓斷鶴無報花閑山不風  
林明川受月窓黑洞移龍孤坐多深省神遊變態中

宿廣坪金村

撥遠結蘿戶選幽治藥欄草長牛不返松老鶴高眠  
月映淡秋水天開過雨山十年湖海夢人世有神仙

旅中



西塞仍留跡南州未息戈居深天見少山靜雨聞多  
白髮又千里黃花餘幾家連城秋寂寂蒿菝渺無涯

寓新坪次隣人

蝶夢家千里萍蹤海一隅信天心自得安分物無求  
對月看圓缺依雲任去留逢人唯盡醉世道付悠悠

懷海中人二首

用李  
白韻

悵望人何在瓊臺浩渺中白雲生暮海黃葉落秋風  
山盡天形遠波濶月影空高蹤追不及霞外有冥鴻  
靈槎天外至仙信落雲中止水看明月栽花不記風  
白首三春約青山一面空耦耕時早晚尺素付歸鴻

有友來自新溪次邑守韻以贈敢次二首

長江曾失險海賊峽中過廢縣傳新鐸空城有幾家  
秋風寒角外落日遠山多蜀道雲間沒村民說翠華  
官事今秋急徵租吏夜過連阡迷草色獨樹記誰家  
守死王事少乘虛虜計多空將腰下劍孤負髮邊華

山居

雨過山逾靜風閑柳倍垂  
花流水慢擇樹鳥聲移  
病久人來少居閑日過遲  
無心年去住不賦送春詩

猪塞旅寓

何地寄餘生日聞金鼓鳴家鄉無處所遠近不關情



海上猶傳箭池中亦弄兵白頭逢世亂妻子笑窮經  
與友人新卜幽居

避亂兼辭世幽棲竝祝鷄花開香覆水松老綠藏谿  
境靜天還近機忘物欲齊從今無甲子休歎久蟠泥

海曲逢故人

崖楓

海隔人間暑風傳島外秋兵塵憂萬國落日倚孤舟  
有別皆黃壤相逢亦白頭無心同所樂長向古賢羞

次楓崖韻二首

亂後人烟少沿江一二門松高聞落雪天迥見歸雲  
白髮親交盡青山故國存繫舟心萬里憂道淚雙痕

慮稀夜夢息嗜淺天機淡悲涼一時事快活萬古心

江空唯見月山靜不聞禽休歎知音少昭文未鼓琴

愴古

故國秋多感羈危未早迴城空明月在樹老夜風來  
繁華流水盡歌管子規啼寂寞荒村菊無情為誰開

偶題

詩書人卧病戎馬夢頻驚地換鄉愁轉時危事業輕  
夜角山何處邊烽海幾程經綸皆帶劔誰復念民生

書懷

憂世觀天象逢人每問兵為農頭已白卧病月生明



名隱關牛去光潛野老爭卷舒知在手豐約豈櫻情

霽夕寄人

晚風吹宿雨把釣下沙汀天肅昏疑盡江晴物影明  
高松猶落照幽谷已沉冥坐久還成鬧潮生鷗鳥驚

鄭友先到待林友不來

谷口喻鄭  
西湖說林

谷口人來待西湖處士期尋梅何太晚兼燭醉無歸  
雪裏看山意樓前既月詩悠悠成獨坐魂夢亦相違  
既送金友又別林友

行見羣生泰休言至道偏知音傷末路取義有何人  
江花憂裏落山漏靜中傳芳草送君路老來離別頻

所居

幾落秦關葉三逢楚水春所居皆樂土何往不安身  
寄興山河遠無求志願伸一瓢真有樂先聖豈欺人

病起訪隱

清羸艱一出窺戶占無風白髮新秋恨青山舊日容  
碧竈歸鳥鶴紅映倒江楓行路人多少誰尋物外蹤  
曉坐憶親舊

孤月當簷上寒潮動曉扉出山知世亂浮海覺吾衰  
白首猶憂道青春又夢歸兵戈連十載不獨恨分離

靜中二首



龜谷集 卷之二  
心安身自泰分定又何希松下閑眠久溪邊獨步遲  
還將無事樂吟作有聲詩吾道同今古誰煩說伏羲  
一鶴雲天遠千歧世路難琴歲揮客問門掩恸春寒  
老益幽居樂貧添靜者安泥途頻甲子無得是爲歡

偶題二首

白髮青山遠兵戈歲易流一聲江上蘆千里月中舟  
杯酒唐虞志殘經四海憂折梅無可贈雲漢政悠悠  
午枕驚黃鳥巖扉映竹林水村橋上市山郭雨中砧  
時危輕別恨身病減鄉心慕古終違世幽居不卜溪  
渡大津

津吏迎行拜論程却自愁死生天有命忠信海安流  
波外千山盡雲中一影浮險夷知在我平地亦多憂

寓在控海堂

慮澄爲聖域人斷是仙家玩易開朝閣攜琴下晚沙  
坐看雲出岫行跡水浮花無事眞天放何勞上漢槎

題馬羊村壁

松根古井猶存

驅家昔避秦羊馬別區春叱石仙無問騰龍物返眞  
巖前松覆水雲外鳥窺人塵世那堪恨桃源跡又陳

新居

傍月開圓洞連雲蔭白茅花因迎鶴掃泉爲煉丹調



室貳猶齋宿烟孤認遠庖無心眠食外萬事寄逍遙  
次韻謝人來訪

海曲飛黃葉柴扉掩落暉道心塵外見人事靜中稀  
鳥入連天水雲生坐石衣山溪前路遠匹馬慎君歸

秋暮

策策鳴黃葉寥寥傷我心暗雲隱夕月獨樹來棲禽  
入戶近明燭對書空正襟追思昔年志白首愧如今

夕望

殘暑棲涼翠微涼入沈寥捲簾山盡出憑檻水皆朝  
洞黑雲移雨沙明月趁潮仙期河漢近塵跡是非遙

夕吟

風林靈籟集雲洞象形潛照寂迎新月澄昏對遠岑  
古心由我得真趣未他尋朗悟同前後休言有淺深

閑棲

一棹避人世單居柳海涯山高逢雨少波遠見天多  
枕聞雲漢水窻摘月宮花不待仙槎至超然倚大羅

天將明

時日本自壬辰來冠欲通道于大

天將下天壇天晴劔戟寒雲杪山聳翠以定海流安  
獲訊孤魂泣除殘萬姓歡堯仁能一視膏澤遍三韓

逢夜不

卿守道路者



千里鬢生白幾年雲水濱片冰雙袖淚殘夢故園春  
四海亦王土一天同此仁止戈知在武神聖豈虛嘖

獨卧

閑居耽獨樂林外曠幽期窻靜歸雲盡沙明落照移  
性隨天色淡心與水聲遲高枕羲皇上安危莫問時

獨坐

泠泠入耳聲隔窻春水生蘊真山寂寞耽道歲崢嶸  
分定形骸逸神凝志慮清遙看雲出岫來去任無情

不吟

每欲除吟咏終難自不吟題時徒信筆得處亦無心

天遠清風至江空月色淡此間多逸興樽酒莫頻斟

春曉

寶鴨香猶在金壺夜易闌夢長塵事懶簾閉曉雲閑  
聽草將尋藥畱僧夏問山前湖春浪急無意把長竿

對月吟

雲歛千峯靜江空夜氣清孤懸惟一照悵望却多情  
天上無圓缺人間有晦明寧從高樹隱莫許衆星爭  
溪上觀漁有感

雲晴俯可數蒲短不藏身避網風生鬣跳波日映鱗  
游梁誰問樂登級未通神東海今無釣相忘萬里春



病中

潮生畫扉白潮退暮鳥青空林來遠籟疎屋見寒星  
月過山分影天隨水作形一床饒靜味經歲不遊庭

閑中

無欲為尊貴幽居是太平筆因行氣落詩或寫閑成  
來去雲多事盈虧月有情超然真契定萬古此心明

獨行

時豈有古今之殊只以心  
有私無私便有純私

一鳥天邊去高蹤何處尋夜行隨片月朝夢對孤岑  
有膜肝猶越無私古亦今停筇時獨坐流水是知音

次李白山樽韻

不琢清貧合無文富貴疎遠林花落後相對細雨餘  
乍酌枯腸潤高眠萬事虛非君全素朴那得伴幽居

次李白愁鏡

歡笑紅顏側悽悲白髮前學公無厚薄羞月不虧圓  
寶匣藏何日珠臺照幾年閉關非我念妍醜任天然

幽居

身老無相識幽居絕世紛山花朝映日池草夜生雲  
坐月看瑤篆迎風辨異芬昏明非我力時事付朝暉

出林

倚杖海將夕出林懷政冲數峯片雨外一徑花影中



坐愛溪沉月行隨鶴引風乘槎餘宿念脉脉望晴空

閑居

白髮荷衣老雲棲鶴獨居善幾呈寂寞靈籟響空虛  
逸跡隣天放澄源近太初晴窻無一事長對伏羲書

夜坐偶題

撥淡憂世道錯道愛烟霞一鶴無畱跡千峯不定家  
心懸天北極坐久月西斜白露多情思流光濕夜花

贈兄子歸自漢北

以下五言排律八首

旅食踰千里巖棲寄一城憐渠頭盡雪尋我跡浮萍  
古國悲長缺秋窻憶聚螢沙虛鷺共宿江遠雨同行

白眼辭人世黃花趁月明琴箴絃久斷龍勢劔孤鳴  
境僻風霜苦時危歲月驚綸音求武士天意薄書生  
世外秦遺老人間漢客星相看天欲暮風急醉還醒

送人秋戍

降虜傳蕃事君王夏築壇一心持漢節何路出秦關  
草盡眠依雪水輕戰在山月隨弓影遠霜拂劔光寒  
隣閣功誰記龍沙夢獨還蛾眉空出塞金幣未成歡

寓居病中

窮陰生獨樹秋葉響空壇慕道稀開戶耽閑只對山  
王風歸寂寞儒術轉艱難殘月隨潮落孤雲傍鳥還



名藏吳市遠夢入楚江寒一疾緣憂世干戈鬢自斑

偶題

望北猶馳檄來南亦點兵邊愁迷旅泊高貴媚升平  
鄉路圖中近羈懷夢裏輕丁徭搜寡婦戍籍到書生  
田廢連衰草村虛但月明夜長人事少寒露滴蛩聲

聞趙憲倡義兵勤 王

直道曾囚楚先吾已着鞭堂中辭鶴髮腰下撫龍泉  
七縱卑黃白三驅慕聖賢棄城誰良首無位奮空拳  
薙草傷非命燎原痛始然綺羅啼暮雨鳩鵲逐朝烟  
無勇知非孝忘軀但誓天豹韜今一試龍衮昔頻牽

正氣橫秋表孤忠掛日邊蜀山青入眼愁髮雪分肩  
飲血悲中夜緘章哭幾年投毫還帶甲徙埃又焦顛  
花樹連三域鷄鳴達二千琴歌成戰哭高貴愛金錢  
請劍終何益沉湘只可憐中興誰作頌名映色絲傳

憲字汝式上章綱諱得罪者數  
矣終至封章欲上而擯不得納

無書

玉笈曾連屋丹書未滿囊紗寒螢不照月落漏空長  
喜易編誰絕裁芸葉自香吾衰言莫記世遠壁無歲  
挾冊徒除禁尊經謾設床人文將寂寞王業轉悲涼  
次友人見寄二十韻以歎時事



揮涕棋虛出傷心鳳不迴  
猗蘭琴裏奏紅杏日邊栽  
漢塞窺婚議時海賊要婚周臺斷子來  
鳳門隣白骨玉戚寄黃埃  
險背山河美髯消歲月  
催有生知命矣無養莫傷  
哉羽絕三旬舞龍盤七縱  
才劒光曾射斗鈞業謾分  
台辭醉悲尋卜爲仙笑問  
梅山芎多響答雲棧少追  
陪金鵲飛烟雨龍孫散  
草萊每嫌銅有臭誰識  
慶無災賊壘金人側王畿  
鳴水隈龜龍停綵筆圖繪  
佇雲臺保子生無澤嬰鋒  
死可哀魂招虛起土苧繭  
邈傾杯殘疾吾同愛高明  
鬼所猜唐虞何寂寞宇宙  
獨徘徊商嶺碁爲伴樵源  
錦作堆那知秦火後經籍

又成灰

見姜德輝書有感德輝時爲海西元戎

避死寧無歲荷戈又近秋  
南烽方報急北牒更傳憂  
血滿忠臣袖霜驚志士頭  
農桑千里絕喪祭十年休  
白骨無人問青山夜月愁  
其魚徒抱恨誰是濟川舟  
雨中尋三角山中興寺以下七言律詩一百首  
驚風急雨暗峯文石瀑飛  
珠滿洞門清磬響空歸鳥  
遠小碓穿木落霞分花淡  
古塔紛無掃僧閉松關靜  
不言客至相看翻有悔蹇  
驢踏破曉山雲

宿水鍾寺



斜陽橫遂入孤寺眼力無窮思渺然軒倚龍門山上  
月牕開斗尾水中烟雲含夜雨灑層砌風引晨鐘落  
九天兩道漁燈分小嶼逆難多少未歸船

赤壁暮泛

清風吹送下灘船一影浮空謝世牽山色淨無雲斷  
隔天光遙與水相連壺中既自歲明月物外何煩羨  
挾仙迴首塵寰今古態觸變興廢夢依然

三月初舊疴愈步出郊外

樂事今朝屬此身沉痾初散又逢春烟郊向暖二三  
月童子相攜六七八人花開誰道天多雨酒熟何嫌我

有賓隨分醉眠芳草晚任他香露瀟衣巾

尋燕巖亭

紅蕖花殘掩竹扉亂山溪處一僧歸危欄獨立愛秋  
色寒磬數聲來夕暉金柱影翻疎雨過碧羅紋破白  
鷗飛紛紛爭取無閑物清境如何有主稀

偶題

時東西分黨  
禍結多年

甲第春無十日紅朝能斷腸暮隨風綠珠樓下香難  
返黃犬門東恨不窮崔慶互爭移厚薄蕭朱交奪換  
雌雄誰知飲水蓬簷下一樂相傳萬古同

醉題

時有故人容  
少年誤身



傷哉大爵從黃口張網何人逞宿心斗牛先收初劓  
寶峨洋聲斷更藏琴花飛風外香逾遠月隱雲中望  
轉淡醉後高歌天宇濶一般豪氣屬山林

挽聽松先生

坡山淡處掩雲扃化止于家歎獨成霜菊一籬靖節  
趣石田三頃有莘耕漁溪人去空春草安樂窩存自  
月明仁則榮為傳子業德公徒擅不危名

挽金參判重晦丈

入對經進  
病暴卒

手爭加額自連歸台望中年走卒知明月欲生雲易  
合好花將發雨便遲片言驚世珪成玷一節觀周髀

已絲問夜如何朝奏事玉聲無復下丹墀

連夜夢見鳴谷因咏其人

鳴谷姓李名山甫  
字仲舉位冢宰

連夜持衣淚散絲分明辭說只傷時人寧負我我無  
負我不疑人人豈疑信可托孤忠許死憂逾推已食  
如飢愛民戀主平生事敢記吾知俟後知

挽許公澤慈氏

有子傳賢教自胎友于兄弟順于親以直廢官安義  
命養心為孝樂清貧臨喪盡禮遵先訓表行連章耀  
近隣十年晝哭那堪聽曾作陶家截髮賓

內禁婦

內禁  
戰死



愁雪愁風謾寄衣  
桃花紅減恨歸遲  
身初轉戰書猶到  
心在交河夢不移  
抽箭招魂何日事  
擲錢虛卜趁春期  
將軍歌舞迴旗鼓  
馬記駟驪換主騎

閑中

人世之亾物外存  
存亾無識更何言  
神遊古今常危坐  
志在乾坤不掃門  
庭草綠連前夜雨  
溪花紅漲去年痕  
非求有得多求者  
堪笑紛紛以隸尊

客去後獨坐書懷

物理同源無厚薄  
世情多徑有猜疑  
携琴遠望雲歸處  
枕石孤吟月出時  
邪說豈留君子耳  
閑愁難近達

人眉身安更覺茅齋大  
不獨仙宮刻漏遲

答人

殘夢悠悠不可尋  
楚丘成毀古猶今  
落花流水渾無跡  
秋月春風豈有心  
萬里報讎如咫尺  
一簞酬德費千金  
盈虛往復皆關數  
恩怨何人較淺深

偶題

不虧何用更求全  
休向危中說此安  
富貴在天無一念  
屈伸由我任高眠  
月方生處携琴待  
花正開時把酒看  
誰問世間經濟事  
有莘畊叟未幡然

靜中有感



物情每歎賓為主世態難堪假不歸固有命焉求豈  
得莫非天也愛何疑值會意時常獨坐到無形處只  
心知遠山自保天然色鏡裏何嫌學畫眉

偶得寄牛溪

萬物從來備一身山家功業莫云貧經綸久斷塵間  
夢詩酒長留象外春氣有閉開徠異馬理無淡淺弄  
同人祥雲疾雨皆由我更覺天心下覆均

靜中

看盡千山掩竹扉靜中真得老何疑只為分內當為  
事莫問人知與不知天理洞觀無厚薄世情休問有

公私白鷗與我相忘久兩兩連羣立釣磯

有思

學古生今世莫親杜門非為病纏身空洲漠漠起幽  
思芳草萋萋愁遠人樽酒莫辭連日醉風花難住一  
年春晚來琴弄荷蘭曲栗里深憂不在貧

懷人代其人作

相知者至謂不至  
而門下或被殺云

只可思之不可恃近能相信遠相疑見天猶喜無違  
棄憑夢終難慰別離隨水分流花易謝連根同死草  
誰悲孤心願托雲間月夜夜飛光到玉墀

慎疾



用藥曾知似用兵，用兵終不致升平。醫前自有方便地，病後那能善攝生。神未定時求寡欲，義歸通處却無情。舟中敵國皆由我，誰向邊胡更築城。

暮江獨坐

憑高心事正茫茫，塵世空悲雙鬢蒼。望眼欲窮暮帆遠，身飛不盡秋江長。平沙烟氣沒孤島，古寺鐘聲來夕陽。吟罷悠然迷去路，黃花坐久衣生香。

聞京報春曉獨坐

歸棹聲高江水急，登樓迢遞故園心。一春開物無先後，百草生香有淺深。青山盡出逢朝霽，白日孤昇解

宿陰壯志欲窮滄海遠，男兒何必費長吟。

追記晚生多病以寄伯仲二兄

有子雖同撫育恩，吾親於我最辛勤。免懷當日先憂疾，問禮中年未畢婚。詩廢蓼莪天罔極，慕淡霜露血成痕。平生風樹傷心處，鶴髮明時始學言。

偶吟

纖雲飛盡霹靂雷，霆依舊中天。日月明言路再開，周道狹國經重植。泰山輕夕陽，杖獨何事回首望雲多。遠情千里任章那，困我聖心無滯若衡平。時聞趙汝式天威旋命不罪又聞趙汝式之疏又甚於張方平之救已



亂峯集卷之二  
三十一  
日夕寄人  
危樓寂寞倚斜暉芳草連天靄所思人斷小橋垂柳  
合眼窺孤堞暮鴉遲懷君萬里此時恨長笛一聲何  
處吹滿掬幽蘭無可贈白頭惆悵少相知

客中

食披叢竹宿依霞行計蕭然只一簑山近鷄籠秋氣  
早江連白馬夕陽多路通南北君恩足身歷艱危學  
力加子在秦城兄在外夢中歸去亦無家

白馬江

百年文物總成丘歌舞烟沉杜宇愁投馬有臺雲寂

寂落花無跡水悠悠孤舟白髮傷時淚一篷青山故  
國秋欲弔忠魂何處是令人長憶五湖遊

次湖南按使韻二首

醉裏光陰本不忙謫仙來伴賀知章樽中明月知心  
少竹外清風引興長當戶晴峯看不厭近床幽鳥坐  
相忘披雲更卧松間石露滴秋香入羽觴  
楚烽宵報借籌忙文武才全稱錦章氣壓東溟鯨浪  
息化宣南極舜風長寄專金鑰廷無事愛在民心澤  
不忌訪隱有時兼載酒太平春色滿瓊觴

偶吟



長堤雲捲露初晞，溪水分流小柳垂。行見好花無意賞，偶逢樵者不因期。由來心上營為息，更覺山中日月遲。親舊風塵多佩綬，浮名贏得鬢邊絲。

訪故人勸開閣

青山過盡又青山，長路高懸落照間。未死相尋真有意，不迷能復莫云難。秦兵欲起空堅壁，湯沐維新更戒盤。君子所期須正國，白頭山下失平安。

見京報題贈沙翁

心欲安來身不安，生今慕古事多艱。鳳凰肯顧鴟鵂嚇，松柏難為桃李顏。晝卧清風林下石，夜吟明月雪

中山十年蹤跡烟霞外，笑許浮名滿世間。

謝贈主人

爭開新釀慰吾衰，到處逢人若舊知。一世有名難避跡，百年無伴獨吟詩。兩叔殘角投江島，風引餘霞落酒危。有月何須愁日暮，坐苔隨意告歸遲。

送松江朝

天請以贈之

紛紛名實混真偽，妾婦爭誇大丈夫。花柳又迴行樂日，山河空鎖霸王圖。無求飲啄為仙藥，不出門庭是坦途。臨別勗君安義命，莫將時事較鎗鋒。

歸光山途中

辛卯春有紛擾之柳又適湖南



梅花消息阻秦關雨濕行裝旅夢寒今日餘生歸白  
首昔年為客記青山一天之下皆安宅萬事無心是  
最閑人或勝時時或勝先師虛老路歧間

有懷

帶方山下廣寒殿每欲登臨宿計違今日楚囚吟老  
漁一春仙夢隔烟霏銀橋近上星辰大桂檻浮空海  
嶽微無地人間堪着足願驂孤鶴脫塵鞿

秋日憶兄弟

無家何處尋生死仁覆恩深亦一天南菊再開人卧  
病北鴻三返信難傳魂隨亂葉流江外夢逐歸雲落

月邊霜露變遷香火斷白頭孤恨到幽泉

偶題

家國分為二物看國危誰信保家難尋魚沙鳥非尋  
水戀草村羊不戀山仙界紅桃春浩浩霽天明月海  
漫漫與人同樂吾無計一棹清風萬古閑

春睡客還歸

瑤琴為枕蝶飛飛吟罷雲謠半醉時烟柳碧濃風不  
轉池荷紅濕雨無絲鶴歸霄漢開門久夢入蓬萊渡  
海遲偶趁溪流來又去相忘何用兩相知

山居避暑



蓬下低禽訝九霄冷然風御樂逍遙閑中真趣人誰  
識雲外遊仙世莫招巖泉一道常飛雪脩竹千竿不  
受敲病甚夏畦多少子熱如焦火競錐刀

秋夜風雨次人

紛紛成毀寄南柯枕外秋聲夜夏多楚澤羈人懷舊  
宇漆園歸計負無何風摧秀色傷孤栢雨浥餘香惜  
晚荷偶語非爲明世禁隔門傳意費沉哦

客裏偶題

大雅微茫竟不陳回看東土又荆榛鷄鳴狗吠三千  
里把酒吟詩二百年蘭佩黃昏悲改路桃源明月歎

迷津秋風白髮曾無約何事相尋萬里天

夢見亡友

初如明月隔輕烟言笑開來漸沛然冲淡精神雲外  
鶴從容光彩水中蓮風霜歲暮偏侵竹成毀人間不  
到仙憂道十年頭共白歎將淡契付閑眠

憶松江

東山春晚畱民望楚澤秋深怨獨行楊子返金神鬼  
識萊公升殿縉紳驚凌霜孤節青松立憂國孤忠白  
日明三黜高名傳萬古百年榮寵一毫輕

懷人



獨鶴忍飢焉啄粟高松雖折不憂霜思君淚盡千山  
遠報國心懸一夢長月下如聞傳玉漏風迴時記送  
天香蒼生有問知前席司馬何年返洛陽

酬醉翁

時醉翁不  
赴召命

醉挑天上玉欄空下謫為仙隱酒中日日携壺芳草  
路家家推枕落花風歸能騎馬翁猶健

一作雲  
極魂猶去

月在西山夜未終樽裏四時春一色鶴書來往謾忽

偶題二首

鳳不司晨憐不駕閑忙殊道有相空一林笑傲傳歸

我四海安危竟在誰偏向靜中看彼動更於無處笑  
他為人間既占願神地物外何煩採玉芝  
為人為幸作男兒又識天人理不迷有樂既觀舒卷  
義無心休問古今時綠樹日高千疊影黃鸝山靜百  
般啼窻中睡起窻前坐未信塵寰有路歧

詠採蓮

開能共蒂折能連兒女多情盡日牽珠映明眸雙的  
爍花藏紅頰渾嬋娟香分船路羞尋跡刺着膚痕笑  
有缺誰識低頭金不顧採桑高節玉逾堅

對博山香火有感



坐對寒窗靜不言，隔簾秋葉落紛紛。  
四環波向三峯合，雙縷烟從一體分。  
燼到成塵心獨苦，香猶留帶氣能熏。  
片時相煖終難保，長夜辛勤謾自焚。

客裏逢秋

時日本通信使回，頗有可憂之端。

會驚胡牧過臨洮，日下舟迴歎轉驕。  
春燕歸林傷古語，秋鴻無信怨新騷。  
南來地盡滄溟濶，北望天長故國遙。  
一箭在腰猶未發，時人誰識魯連高。

累在秋府

年逾四十心初定，素位猶存死亦安。  
義與義經論未易，仁濂湯網解何難。  
一生身服古人禮，三日頭無君

子冠落盡春花山下宅，曉天歸夢水雲間。

閱世身登百尺竿，目觀尖物已能安。  
明夷隨處稱停熟，義理何言運用難。  
斷夏侯猶授學，肫肫由也又纓冠。  
丁寧一誦古人事，泣向吾兄伯仲間。

牛溪次韻

春晝睡起

春隨逐客度千山，花似長安帶笑看。  
直道難容曾愧柳，曲肱為樂晚希顏。  
魂迷芳草香生夢，岸挾桃花錦作灘。  
午醉欲醒雲漏日，不知微雨過林間。

偶題



悠悠萬事任蒼天醉倚幽花樹樹眠學道非求今世  
用吟詩無意後人傳時危敲角青山外春盡江湖白  
髮前志氣未衰年已晚夢魂來往伏羲先

次松江所贈韻二首

松風竹月真消息澗飲霞樓亦夙緣終恠達人離道  
遠更知窮處雅懷堅他鄉萍水悲衰鬢京國烟花憶  
舊年萬事浮雲空起滅淡然相照此心全

天地無私均覆載此經須信督能緣彈飛可惜隨珠  
遠浮海那嫌魏瓠堅堇苓互作君臣用菌蟪誰知大  
小年我有一琴君莫鼓分為成也毀為全

古全用一文體

趙憲高敬命等戰死賊據三都歲律欲暮武夫

還視退叟不戰北京諸臣盡被囚繫請兵 天

朝冠盍相望晚聞牛溪得達 行在敢題

忠魂未作亾胡鬼 龍御遙巡節序移漢北遺民音

變楚箕西武卒劒生衣叩心燕獄歸無日却食秦庭

哭幾時聞道一人能定國莫愁鵝列轉成稀

寄牛溪行溪少有重名亂後赴建明時勢然也

安土誰知是太平白頭多病滯邊城冑中大計終歸  
謬天下男兒不復生花欲開時方有色水成潭處却  
無聲千山雨過琴書濕依舊晴空月獨明



傷歎二首

日日通衢盡醉歸金吾無禁夜遲遲花香低壓三春  
 雨瑞彩高懸萬歲期鐘鼓未曾民感頌茅茨還罷帝  
 垂衣非常天命非天意敵在舟中守在夷嚙無游細  
 驚飛靡定一枝巢治亂嬰懷髮髮凋分鼎民安能外  
 懼一家心逸易生驕宮花散落為邊土胡角悽悲撓  
 舜韶富貴無歡貧亦苦何時麟閣畫嫖姚及思三國之安其苦

知可

夜雪次張萬里雲韻

風驅神氣壓層雲雪作長冰鎖海門玉劍增光迴日

月龍旗添彩耀乾坤朝看亂轍林無伏夜縛元兇虜  
 不喧盈尺呈祥誰賣劍家家持酒待吾君

次唐大將李如松韻李將軍以擊倭來東既定箕都倭寇退却

鴨江春曉舞金干天子東憂席不安破竹功成風  
 雨急拔山威定鼓笳歡匹夫離復黃童躍妖鬼啼悲  
 白日寒四海一家爭解劍伏波歸去且休鞍  
 提兵星夜渡江干為挽三韓國未安明主日懸旌  
 節報微臣夜釋酒杯歡春來斗氣心猶壯此去妖  
 氛骨已寒談笑敢云非勝事夢中相憶跨征鞍

原韻



有僧回自賊陣云嶺南名勝久爲所據姬侍婦  
人也刀筆士子也傷歎成一律

將無父子與君臣非聖誰知管氏仁千里山河區外  
寶百年樓閣夢中春簾藏舉案齊眉女立入菁莪學  
禮人文物反爲夷虜用尊卑何處見天倫

天兵之過瑞興者賦一律求和甚急適趙伯玉  
到瑞興次送余至瑞興聞之敢次

齊驅燕士勒吳豪將刃恢恢不夏刀華表月生秋夜  
肅扶桑雲盡海天高箕疇爭喜光前跡湯網何憊有  
遠逃功奏未央誰第一滿城歌誦擁歸袍

箕城之捷賊多生還

大將東征膽氣豪腰橫秋水鴈翎刀風吹歌鼓龍  
蛇動電閃旌旗日月高天上麒麟元有鍾石中螻  
蟻豈能逃太平待詔歸來日勒鼎鑄名解戰袍

原韻

移山轉海萬人豪手把青龍偃月刀蛇豕噬吞憂  
地盡雷霆忿擊仰天高箕城一鼓鯨鯢戮薺浦千  
帆鬼魔逃勒績燕然牙纛返東民何路摻征袍

趙伯玉

金希元有書海西遠賊稍安來同避亂云

桃花流水混真源天外矯頭只斷魂醉睡不知山過



雨醒來猶記海生雲紅葉乍妍悲晚節夕陽雖好近  
黃昏曳兵遐邇皆同走定脚何人守此門

亂後寓居寄人

空餘舊物鬢邊絲一掩柴扉萬事稀君意如川無斷  
續世情同月易圓虧池虛天大荷初破林壓山長果  
已肥時序變遷懷正苦靜中真味只心知

寓居海村

畫角聲中霜鬢催故園花竹鳥空啼客簷橋過潮初  
落別浦林昏瘴不開天外片雲纔卷雨島邊殘照又  
生霓丹砂有契嗟吾晚渡海傳書鶴不來

南賊方劇北寇又至與同志將隱居海上依其  
韻敢題二首

何山無獸水無魚獨恨吾民不奠居投壁幾人知負  
子弊廬無壁可藏書車顛有粟來飢鳥肉敗猶羶聚  
衆蛆鑿井畊田遺跡在卧看天月自盈虛

風花一散不歸樹覆水再收難滿壺魯聖傷時浮碧  
海晉狂迷醉泣窮途人間此日多艱事天下何時有  
丈夫濟世未能終避世桃源休說是仙區

贈人

松存君卧淵明宅酒盡吾師屈子醒謾讀詩書逢世



亂歎無功力及生靈一輪明月心中事千墨青山世  
外情籬下波連滄海水扁舟身世白鷗輕

海畔與諸公飲酒

芳洲香濕曉雲輕春草連空宿雨晴白首孤舟千里  
客清樽湖海十年情謾將花月絃歌耳厭聽風塵鼓  
角聲袖裏龍泉先射斗皇華城下愧尋盟

時蓋天朝決和

聞京報

帙臣隨天使入賊皆見日漢入云

周鼎傷心問重輕皇華迢遞掩孤城茫茫海月生寒  
劍獵獵陰風在夜旌天外忽逢新甲子洛中何日是  
清明江都聞議移春仗虛想鸚鵡班玉有聲

有感

萋萋芳草短長亭極目斜陽無限情芝蓋不迴人望  
斷羽書無應主威輕百年冠劍隨風散千墨關河鎖  
月明金鼓聲中花落盡前山何日看春耕

伯兄年近八十疆健無疾既不服藥又不慕仙  
流離兵革艱困百態人所不堪處之有餘窮達  
忻憾不足以動其心萬事信天眠食自如敢以  
一律形容其樂而呈似焉

千里遊心覓彼天誰知天在此心邊身能慎疾何求  
藥壽不傷生笑學仙今世無憂高卧者吾兄清操獨



超然人情安處人爲足花影連床任醉眠

春後書懷

春歸愁不追春歸愁惹開眠更上眉雨滴幽簷魂斷  
續花連香霧夢依稀江南金鼓無消息塞北風沙恨  
別離故國傷心烟火盡滿城芳草鳥空飛

有感時略出轅門

烟開日出啓重門畫角聲高劔戟分外府琬膏堆似  
土內庭珠翠擁如雲虫生虎鴟功誰記淚落塵沙怨  
不言山上楚烽猶報急繡闥孤夢謾慙慙

訪友人別業

迷天殺氣接兵塵白骨叢中作隱淪折柳却憐風在  
手插花猶喜蝶隨人山河無賴空千墨草木多情又  
一春驚到鹿門棲息地琴樽長伴太平身

亂離後友人以山庄相贈詩以謝之三首

物外田園隔戰塵桃源仙客是秦人初驚燕子巢林  
語還作堯天擊壤民一枕輕風微雨夕數聲啼鳥落  
花春耕雲未畢先謀酒頭上從今不負巾

吾今已遂歸山計休向風塵更問歧浪把齊治爲已  
任不知舒卷屬天時扁舟江上烟波靜千樹花中日  
月遲莫道閑人無所事北窻長嘯傲軒羲



白首青山不掩扉看花出洞獨吟詩童隨流水携琴  
遠鶴愛清風引步遲有道心懷無戀慕忘機身世火  
營為烟霞亦在人間物唯喜仙家斷是非

詠閑

洞門何處別尋春花映千峯竹掩關老後讀書知至  
樂靜中觀物得天真溪沙有月乾坤大仙峽無風草  
木閑君子屈伸皆是道豈將巢許繼清塵

送人入洛

日暮靈臺影半摧夷陵何處吊秦灰方城漢水空傳  
險堤柳池荷只助哀盛世綺羅春一夢昔年親舊鶴

重來蕭條閭井投無所回首南天鼓角催

閑居

避世淡居獨不羣兵戈遙聞血紛紛瑤琴乍拂荷香  
入海鳥初歸竹影分斜日尚留花下照層陰還結嶺  
頭雲憂先天下雙行淚為寄東風掃宿氛

秋後答人

次楓崖韻

昨夜圓池夢裏迴荷花不待主人開有時風向庭前  
過依舊香從月下來孤舟白髮烟波隔千里丹砂老  
病催匡世無期仙侶遠傷心秋晚故山隈

有感



耀德觀兵策不同，狂秦無下漢，無中臨河飲馬多。驕  
虜握節捐軀少，效忠寤經白首全。吾樂填壑蒼生嘆，  
爾窮撫劍幾年誇。小勇代人謀處是爲功。

人有口誦杜牧之洛陽長句者，愛慕之敢次。

人自傷心物自閑，落花芳草夕陽間。王風墜地今誰  
繼，寶鼎沉河歎不還。孤子弄丸春浩浩，嚴陵歸釣水  
潺潺。繁華富貴浮雲散，留得清風掛碧山。

夢仙

翱翔白日雲中影，睥睨青天鳥外人。遠近高低風不  
限，東西歧路海無津。龍飛九五輕蟬翼，桃結三千劇

草塵蠻蜀楚凡誰得失，虫沙猿鶴任紛纒。

浮舟南歸贈人

欲謝難謝叔季世，未愁如愁別離腸。千山卜築踏將  
遍，碧海乘桴歸興長。白髮再經年甲午，黃花又見節  
重陽。壯心不逐光陰老，嘯向扶桑倚夜檣。

泛海

衆山收盡渺無碍，日月高懸晝夜燈。西指帝京雲  
一點，東看徐島水千層。治河有跡源猶近，浮海空言  
竟未能。今夕始知經緯大，浩然如跨九霄鵬。

控海堂



桃源來客本無期，偶繫孤舟宿翠微。  
海鶴夜歸松月靜，天仙朝下彩雲飛。  
波搖華表乾坤大，門接扶桑刻漏遲。  
長笛一聲秋色遠，半空疎雨落瑤基。

馬羊村

耕釣悠悠去不還，綺黃非獨避秦花。  
藏靈液沉丹井，鶴啄餘香擣藥塵。  
少日只期行此道，暮年方信守天真。  
東周夢斷追仙跡，一卧空山萬樹春。

偶題

半輪明月一枝梅，長占無爲造物猜。  
虛室白非由外得，滿堂春不自天來。  
風花勢利須臾盡，河海肯襟萬

古開客至休論治，亂事唐虞謙讓酒三杯。

靜中聞松聲

老來浮念隨雲滅，安命非關學有功。  
髮盡何須憂鬢白，樽空無意借顏紅。  
自樂到頭齊得喪，不爭誰復問雌雄。  
松風猶學高低態，葉葉寒聲笑不同。

自歎 丙申春

可惜韋編三絕後，古今誰復讀義經。  
白圭無點爲真寶，淡色黃金豈太平。  
休讓人間第一事，期成天下不爭名。  
扁舟白髮乾坤老，滄海波濶歲月驚。

偶坐卧峴之杏樹下

時避亂棲疾與主人翁日日對語于林下



兵塵莫到卽仙區一入翛然吾喪吾醉卧何須林是  
竹隱居休用谷名愚論透古今無畛域禮忘賓主任  
歡娛莘耕渭釣曾嫌獨偶坐方知德不孤

偶題

遊心宇宙興亡跡察理公私進退形秦漢無儒傷絕  
學鳳凰俟德豈虛鳴程朱孔孟殊煩簡今古功程異  
晦明辭說漸多儒漸少白頭何日見河清

夕泛

酒盡孤眠倚斷霞花搖紅露滴寒簑夢迴蘋末香初  
散蓬揭天心日已斜待月幾時舟可泊有風何處水

無波河流清濁休來問興在冥冥上漢槎

記夢

大羅如海莫公洞風御飄然不受埃餌遠蓬壺瑤草  
拾服輕銀漢彩霞裁網簷猶紀凌雲字瓊府微醒飲  
月杯始信三天真契熟一朝那得任徘徊

客中贈人

年年湖外鼓鼙聲每筭歸程鬢髮明故國閑花飛欲  
盡驛亭殘柳折還生宿客避人猶隱姓山禽何事更  
呼名兵塵到處無安土沮溺那能老耦耕

九月望時有感



山中花月非閑事有待翻為造物猜如鏡圓時雲欲  
合重陽過後菊方開午醉杯濃春浩渺夜琴絃遠鶴  
徘徊自家真得無成毀高揖庖羲任去來

對花吟得寄友人

時賊勢尚熾

花不負人人負花對花人病卧天涯青春每回憂中  
過白髮還從別後多村間玉帛淹丹斧慶會雲烟隔  
翠華榻外鼻聲猶未息荷衣山老亦長嗟

一日

一日頻來作一年一年無幾髮蕭然鷓鴣巢得意烟霞  
外鶴列驚魂鼓角邊隨水落花追不返入雲明月缺

還圓時光欲暮心逾壯一室曾藏萬古天

晚題

垂柳陰濃夏日遲居閑還與懶相空風搖簾影頻驚  
夢酒和愁痕更上眉脉脉獨坐悲世晚蕭蕭雙鬢歎  
吾衰淡烟芳草黃昏近天外佳人又負期

憶牛溪

病時有書死後得見

一封書到淚連連病裏情言死後傳浩氣平生爭白  
日斯文此夕閉黃泉荷傾玉露三更月門掩秋江萬  
里天風物却隨人事變神交漠漠只依然

挽水使



鯨伏波心甲冑眠醒籌無復顧南天連超虎陸揚穿  
百始展鵬程水擊千撥穴粗酬投筆志戀衰誰試據  
鞍年父書盈壁家無讀有對哀非璨瑋賢

挽將軍

投筆當年學射鵰牙旗壇上映金貂手攜一命幾千  
里身率三軍歷四朝生八玉門餘白首死隨箕尾返  
青霄南州片土埋金甲鏖鏖何人更度遼

間故人遠謫奉寄十四韻

以下七言排律三首

天門九扇法宮幽玉色一頓寰宇愁雲外鬼關由義  
近別中危淚信天收持身今古殊愚智念主升沉一

喜憂萬里一天皆樂土虛舟何處不安流孤忠曾保  
睚眦際僉舉俄同夢寐求風定香生蘭蕙草天晴春  
入鳳凰樓辭勲每守將軍樹戀國遲登范蠡舟鮮血  
不乾初告帝丹心繞啓未迴旒臨危必見秦庭哭後  
夜應求楚澤囚仰觀星辰皆鏜彩回看草木已成秋  
無樓相國休來問吳市門仙亦白頭千古雄心歲寶  
劔一溪杖跡伴沙鷗花生幽谷空開落雲在長天任  
去畱聞道鯨波猶蕩漾歸來須借子房籌未向為先  
見果以後

勳明年還

閑中有感



溪響浚浚樹影遲午涼生處坐移時風驅雲葉來還  
去魚動荷珠合又離玉未琢前誰灑泣金歸鑪後敢  
容私先賢道味耽浚密今世人言有是非切玉若泥  
眞寶劔運沿如掌是男兒兵爲禍器何勞用貴在先  
幾保未危

漢光武二十韻

威斗餘姦恟義聲絳衣柔德邁家兄民懷眞主來呈  
瑞士恥非招卧作旨白水莫言興適地赤心能定悔  
降情基綿一旅同新創法簡三章怨後征寶篆會當  
歸日角盜名紛若置基枰漢陽獸仆風沙急洛北冠

高父老驚河作堅水神有助人歸慈母土無爭卧中  
旣已資長策圖上何嫌得一城塵掃園陵天地肅捷  
成南北劔弓鳴明通異域驚神聖昏到遺胎感至誠  
岸憤幽簷新引客駐車荒郡更留卿宛中褒德忠良  
勸難外求朋節義成天子笑談安聞虎將軍珍玉慰  
披荆祥輝甘露崇謙德文起靈臺偃義旌浚鎮玉門  
辭馬武保全金券戒韓彭叔權歸佩黃金印共擊何  
煩白馬盟纜抑大臣臺議重却親微薄主威輕初驚  
圖讖傷文學旋見巡封誤太平錢穀豈能酌死直珠  
犀猶復蔽聰明晚移私愛輕天下愧許奸回籍爾名



龜峯先生集卷之二

梅山集十三册二十六卷十板答唐津諸生書 丙寅夏印本考

梅山先生答唐津諸生曰  
收問學久大之功契金蘭  
趨於沙溪慎齋而教化無

梅山集

八八八



梅山先生答唐津諸生曰龜峯宋先生鍾間世英豪之姿  
收問學久大之功契金蘭于栗谷牛溪而道義有鄰施步  
趨於沙溪慎齋而教化無量局於國法厄於時世俾其鋪叙  
皇王之志不少槩見惜哉一坏荒壠寄在客土數箇孱孫播  
遷異鄉且無一區俎豆之所用寓鄉賢祭社之義志士仁人  
所共齎恨者也賴有講堂歸然獨存儘能扶傾補敗而揭  
虔妥靈則無冒禁肇創之名而薦隨時芬苾之享是誠不  
可以已者也僉賢施措固出於尚德崇賢之苦衷亦何須於愚  
者乎愚誦慕斯翁尊閣遺編常恨其後事泯滅今蒙俯詢  
只知勸成之義諦已矣第祠院之役每因鳩財易惹唇舌苟  
然則貽累前賢恐有冥訶不如其已之為正僉賢豈為是哉  
敢陳先事之慮伏幸體會焉 壬子三月

此乃梅山集初本 向學之印本誤作夫







